

大德重校聖濟總錄卷第二之中



運氣

甲辰

乙巳

丙午

丁未

戊申

己酉

庚戌

辛亥

壬子

癸丑



甲辰歲





其殺玄齡寒臨太虛其政大舉陽氣不令澤無陽燄則  
火發待時少陽中治時雨迺涯止極雨散還於太陰雲  
朝北極濕化迺布澤流萬物寒敷于上雷動于下寒濕  
之氣持於氣交民病寒濕發肌肉萎足痿不收濡寫血  
溢歲半之前太陽主之太陽有本標之化寒政大舉熱  
氣時應者天氣得中也歲半之後太陰主之太陰之化  
從本雨濕甚者地氣之應也寒化六濕化五是爲正化  
之日保蟲育鱗蟲靜是爲歲物所宜鱗蟲不成燥毒不  
生是爲地氣所制平土之歲本不資化源以運與地氣  
臨於戊歲有三土天令甚虛宜先資化源以助於水所

謂抑其運氣扶其不勝無使暴過而生其疾也食玄齡  
之穀以全其真避歲之虛邪以安其正以苦熱調上以  
苦瀉調下運土在中亦以苦溫調之運同寒濕化宜燥  
熱治之常也初之氣自癸卯年大寒日寅初至是歲春  
分日子初凡六十日八十七刻半主位太角木客氣少  
陽火中見土運少陽中治以行春令地氣遷氣迺大溫  
草迺早榮民迺厲溫病迺作身熱頭痛嘔吐肌腠瘡瘍  
宜治少陽之客以鹹補之以甘寫之以鹹爽之歲穀宜  
末間穀宜豆則火不爲邪二之氣自春分日子正至小  
滿日戌正凡六十日有奇主位少徵火客氣陽明金中

見土運金土相和大涼反至民廼慘草廼遇寒火氣遂  
抑民病氣鬱中滿寒廼始宜治陽明之客以酸補之以  
辛寫之以苦泄之歲穀宜玄間穀宜黍則燥不爲邪三  
之氣自小滿日亥初至大暑日酉初凡六十日有奇主  
位少徵火客氣太陽水中見土運天政布寒氣行雨廼  
降民病寒反熱中癰疽注下心熱脅悶不治者死宜治  
太陽之客以苦補之以鹹寫之以苦堅之以辛潤之歲  
穀宜玄間穀宜稷則寒不爲邪四之氣自大暑日酉正  
至秋分日未正凡六十日有奇主位太宮土客氣厥陰  
木中見土運歲土得位風氣居之風濕交爭風化爲雨

廼長廼化廼成民病大熱少氣肌肉萎足痿注下赤白  
宜治厥陰之客以辛補之以酸寫之以甘緩之歲穀宜  
齡間穀宜稻則風不爲邪五之氣自秋分日申初至小  
雪日午初凡六十日有奇主位少商金客氣少陰火中  
見土運火能生土土能生金氣位相和陽復化草廼長  
廼化廼成民廼舒宜調少陰之客以鹹補之以甘寫之  
以酸收之歲穀宜齡間穀宜豆則熱不爲邪終之氣自  
小雪日午正至大寒日辰正凡六十日有奇主位太羽  
水客氣太陰土中見土運氣與運符地氣正濕令行陰  
疑太虛埃昏郊野民廼慘悽寒風以至反者孕廼死宜

治太陰之客以甘補之以苦寫之以甘緩之歲穀宜黔  
間穀宜麻則濕不為邪是氣也不可犯涼司氣以涼故  
也歲氣雖平或有邪氣則中執法經曰中執法者其病  
速而危也

乙巳歲





總錄一之中

厥陰風木司天少陽相火在泉中見少商金運歲金不及氣化運行後天上角與正角同諸同正歲氣化運行同天風化行於上左灼化右藏化故天氣擾而其政撓苦化司於地左素化右柔化故地氣正而其令速風生高遠炎熱從之雲趨雨府濕化迺行風火同德上應歲星熒惑其穀蒼丹間穀言太宮太羽者其耗文角品羽風燥火熱勝復更作蟄蟲來見流水不冰熱病行於下風病行於上風燥勝復形於中熱化寒化勝復同所謂邪氣化日也風化八清化四火化二所謂正化度也毛蟲靜羽蟲育是迺歲物所宜介蟲耗寒毒不生是迺地

皇宋一七二

氣所制然木爲天氣火爲地氣金運在中地氣勝運運化勝天天氣虛地氣盈宜資化源以助木氣兼贊歲運無使邪勝其化上辛涼中酸和下鹹寒所謂藥食宜也歲半之前天氣厥陰主之厥陰以中氣爲化當其時風從火化者天氣之和也若風滌所勝則太虛埃昏雲物以擾寒生春氣流水不冰民病胃脘當心而痛上支兩脇鬲咽不通飲食不下舌本強食則嘔冷泄腹脹溇泄瘕水閉病本于脾診在足衝陽之脉法宜平以辛涼佐以苦甘以甘緩之以酸寫之歲半之後地氣少陽主之少陽之化從本若火淫于內卽焰明郊野寒熱更至民

病注泄赤白小腹痛溺赤甚則血便法宜治以鹹冷佐以苦辛以酸收之以苦發之歲運之化金不及紀曰從革是謂折收收氣迺後生氣迺揚長化合德火政迺宣庶類以蕃其氣揚其用躁切其動鏗禁督厥其發欬喘其病邪傷肺其化兼所不勝夏有光顯鬱蒸之令則冬有嚴凝整肅之應若夏有炎燥燔燎之變則秋有冰雹霜雪之復其胥西其藏肺其病內舍膈脇肩背外在皮毛復則寒雨暴至迺零冰雹霜雪殺物陰厥且格陽反上行頭腦戶痛延及顙頂發熱甚則心痛治宜以酸和調中初之氣自甲辰年大寒日巳初至是歲春分日卯



初凡六十日八十七刻半主位太角木客氣陽明金中見金運氣與運同居於木位與厥陰交司而行春令金木氣齊寒始肅殺氣方至民病寒於右之下宜治陽明之客以酸補之以辛寫之以苦泄之歲穀宜蒼間穀宜黍是氣也司氣以涼用涼無犯二之氣自春分日卯正至小滿日丑正凡六十日有奇主位少徵火客氣太陽水中見金運金水相得寒不去華雪水冰殺氣施化霜麴降名草上焦寒雨數至陽復化民病熱於中宜治太陽之客以苦補之以鹹寫之以苦堅之以辛潤之歲穀宜蒼間穀宜稷三之氣自小滿日寅初至大暑日子初

六十日有奇主位少徵火客氣厥陰木中見金運火勝金金勝木天政布風麴時舉民病泣出耳鳴掉眩宜治厥陰之客以辛補之以酸寫之以甘緩之歲穀宜蒼間穀宜稻四之氣自大暑日子正至秋分日戌正凡六十日有奇主位太宮土客氣少陰火中見金運火勝金溽暑至濕熱相薄爭於左之上民病黃痺而爲脂腫宜治少陰之客以鹹補之以甘寫之以酸收之歲穀宜丹間穀宜豆五之氣自秋分日亥初至小雪日酉初凡六十日有奇主位少商金客氣太陰土中見金運歲運之金得位與土相和其化燥濕更勝沉陰麴布寒氣及體風

雨迺行宜調太陰之客以甘補之以苦寫之以甘緩之  
 歲穀宜丹穀間宜麻終之氣自小雪日酉正至大寒日  
 未正凡六十日有奇主位太羽水客氣少陽火中見金  
 運畏火司命陽迺大化蟄蟲出見流水水不冰地氣大發  
 草迺生人迺舒其病溫厲宜治少陽之客以鹹補之以  
 甘寫之以鹹奠之歲穀宜丹間穀宜豆六氣之常也歲  
 氣之化天氣勝者陽明復之地氣勝者太陽復之其治  
 各以其勝復法

六... 日... 春... 主... 位... 太... 羽... 水... 客... 氣... 少... 陽... 火... 中... 見... 金...  
 ... 木... 中... 見... 金... 旺... 八... 觀...

丙午歲





總錄二之中

十

少陰君火司天陽明燥金在泉中見太羽水運歲水太過氣化運行先天熱化在上柔化左動化右辛化在下玄化左明化右故天政所布其氣明地氣肅而其令切寒交暑熱加燥雲馳雨府濕化迺行時雨迺降金火合德上應熒惑太白其穀丹白熱化二寒化六清化四正化度也羽蟲靜介蟲育是謂歲物之宜毛蟲耗濕毒不生是皆地氣所制水火寒熱持於氣交而為病始熱病生於上清病生於下寒熱相犯而爭於中民病欬喘血溢血泄眦腫目赤皆瘍寒厥入胃心痛腰痛腹大噎乾腫上是歲火為天氣金為地氣火勝金天氣盈當取火

總錄二之中

之化源水運在中火邪迺微必抑其運水資其歲勝無使暴過而生其病食丹白之穀以全真氣食間氣之穀以辟虛邪鹹以奠之而調其上甚則以苦發之以酸收之而安其下甚則以苦泄之運同地氣以溫熱化其化上鹹寒中鹹熱下酸溫藥食宜也歲半之前少陰主之其政熱若熱淫所勝則怫熱至火行其政民病胸中煩熱噤乾右胠滿皮膚痛寒熱欬喘大雨且至唾血血泄鼽衄嚏嘔溺色變甚則瘡瘍肘腫肩背臂膈及缺盆中痛心痛肺臏腹大滿膨脹而喘欬病本于肺診在手尺澤之脉法宜平以鹹寒佐以苦甘以酸收之歲半之後

陽明主之其令燥若燥淫于內則霧霧暝清民病喜嘔嘔有苦善太息心脇痛不能反側甚則噤乾面塵身無膏澤足外反熱法宜治以苦溫佐以甘辛以苦下之歲運之化水太過紀曰流衍是謂封藏寒司物化天地嚴凝藏政以布長令不揚其化凜其氣堅其政謚其令流注其動漂泄沃涌其德凝慘寒零其變冰雪霜雹其化兼其所勝其病脹故曰歲水太過寒氣流行大雨至埃霧霧鬱邪害心火民病身熱煩心躁悸陰厥上下中寒譫妄心痛寒氣早至甚則腹大脰腫喘欬寢汗出憎風其治悉以鹹熱初之氣自乙巳年大寒日申初至是歲


春分日午初凡六十日八十七刻半主位太角木客氣  
太陽水中見水運氣與運同地氣遷燥將去寒廼始蟄  
復藏水廼冰霜復降風廼至陽氣鬱民反周密關節禁  
固腰腫痛炎暑將起中外瘡瘍宜治太陽之客以苦補  
之以鹹寫之以苦堅之以辛潤之歲穀宜丹間穀宜稷  
雖有寒邪弗能爲害是氣也用寒遠寒無犯司氣之寒  
二之氣自春分日午正至小滿日辰正凡六十日有奇  
主位少徵火客氣厥陰木中見水運水生木陽氣布風  
廼行春氣以正萬物應榮寒氣時至民廼和其病淋目  
瞋目赤氣鬱於土而熱宜治厥陰之客以辛補之以酸

寫之以甘緩之歲穀宜丹間穀宜稻雖有風邪弗能爲  
害三之氣自小滿日巳初至大暑日卯初凡六十日有  
奇主位少徵火客氣少陰火中見水運二火相加水運  
承之天政布大火行庶類蕃鮮寒氣時至民病氣厥心  
痛寒熱更作欬喘目赤宜治少陰之客以鹹補之以甘  
寫之以酸收之歲穀宜丹間穀宜豆雖有熱邪弗能爲  
害四之氣自大暑日卯正至秋分日丑正凡六十日有  
奇主位太宮土客氣太陰土中見水運土居其位又能  
勝水溽暑至大雨時行寒熱互至民病寒熱盛乾黃瘰  
鼯衄飲發宜調太陰之客以甘補之以苦寫之以甘緩

之歲穀宜白間穀宜麻雖有濕邪弗能爲害五之氣自  
秋分日寅初至小雪日子初凡六十日有奇主位少商  
金客氣少陽火中見水運火勝金水運承之畏火臨暑  
反至陽廼化萬物廼生廼長榮民廼康其病溫宜治少  
陽之客以鹹補之以甘寫之以鹹稟之歲穀宜白間穀  
宜豆雖有火邪弗能爲害終之氣自小雪日子正至大  
寒日戊正凡六十日有奇主位太羽水客氣陽明金中  
見水運水運得位燥令行餘火內格腫於上欬喘甚則  
血溢寒氣數舉則霧霧翳病生皮腠內舍於腸下連少  
腹而作寒中地將易也宜調陽明之客以酸補之以辛  
寫之以苦泄之歲穀宜白間穀宜黍雖有燥邪邪能爲  
害此六氣之化也歲氣之交天氣勝則有太陽之復地  
氣勝則有少陽之復其治各依勝復之法寒者熱之熱  
者寒之無翼其勝無贊其復此其道也

丁未歲





總錄二之中

太陰濕土司天太陽寒水在泉中見少角木運歲木不  
 及氣化運行後天太陰濕化在上少陽明化為左間少  
 陰灼化為居氣太陽鹹化在下厥陰動化為左間陽明  
 清化為右間故地氣上騰而其政肅天氣下降而其令  
 寂陰專其政陽氣退辟大風時起原野昏霧白埃四起  
 雲奔南極寒雨數至物成於差夏濕寒合德上應鎮星  
 辰星其數齡玄故陰凝於上寒積於下寒水勝火則為  
 水雹陽光不治殺氣廼行民病寒濕腹滿身臃憤附腫  
 痞逆寒厥拘急清化熱化勝復同邪氣化度也雨化五  
 風化三寒化一正化度也委和之紀日上宮與正宮同

總錄二之中



諸同正歲氣化運行同天此言天氣之平也歲物所宜則鱗蟲有保蟲靜地氣所制則羽蟲耗熱毒不生故有餘宜高不及宜下有餘宜晚不及宜早土之利氣之化也民氣亦從之間穀命太徵太商者然土爲天氣水爲地氣土勝水天氣盈宜取化源以平土氣益其歲氣無使邪勝食黔玄之穀以全其真食間氣之穀以保其精以苦燥之溫之甚者發之泄之不發不泄則濕氣外溢肉潰皮拆而水血交流必贊其陽火令禦甚寒從氣之異少其判也歲半以前天氣太陰主之太陰所至其令濕若濕淫所勝則沉陰且布雨變枯槁胛腫骨痛陰痺

陰痺者按之不得腰脊頭項痛時眩大便難陰氣不用飢不欲食欬唾則有血心如懸病本于腎診在足太谿之脉法宜平以苦熱佐以酸辛以苦燥之以淡泄之歲半以後地氣太陽主之太陽所至其令寒若寒淫于內則凝肅慘慄民病少腹控睪引腰脊上衝心痛血見隘痛頰腫法宜治以甘熱佐以苦辛以鹹寫之以辛潤之以苦堅之歲木不及是謂勝生生氣不政化氣廼揚長氣自平收合廼早涼雨時降風雲並與草木晚榮蒼乾凋落物秀而實膚肉內充其氣歛其用聚其化兼所不勝春有鳴條律暢之化則秋有霧露清凉之政春有慘

悽殘賊之勝則夏有炎暑燔爍之復其胥東其病內舍  
肢脇外在關節復則炎暑流火民病寒熱瘡瘍痲疹癰  
瘰法宜調以辛溫初之氣自丙午年大寒日亥初至是  
歲春分日酉初凡六十日八十七刻半至位少角木客  
氣厥陰木中見木運歲木當位地氣遷寒迺去春氣正  
風迺來生布萬物以榮民氣條舒風濕相薄雨迺後民  
病血溢筋絡拘強關節不利身重筋痿宜調厥陰之客  
以辛補之以酸寫之以甘緩之歲穀宜藪間穀宜稻則  
風不爲邪是氣也司氣以溫用溫無犯二之氣自春分  
日酉正至小滿日未正凡六十日有奇主位太徵火客

氣少陰火中見木運火氣當位大火正物承化民迺和  
其病溫厲盛行遠近咸若濕蒸相薄雨迺降宜調少  
陰之客以鹹補之以甘寫之以酸收之歲穀宜藪間穀  
宜豆則熱不爲邪三之氣自小滿日申初至大暑日午  
初凡六十日有奇主位太徵火客氣太陰土中見木運  
木生火火生土其化順天政布濕氣降地氣騰雨迺時  
降寒迺隨之感於寒濕則民病身重胣腫胸腹滿宜治  
太陰之客以甘補之以苦寫之以甘緩之歲穀宜藪間  
穀宜麻雖有濕邪不能爲害四之氣自大暑日午正至  
秋分日辰正凡六十日有奇主位少宮土客氣少陽火

中見木運地氣交司畏火臨溽蒸化地氣騰天氣否隔寒風曉暮蒸熱相薄草木凝煙濕化不流則白露陰布以成秋令民病膝理熱血暴溢瘡心腹滿熱臚脹甚則肘腫宜治少陽之客以鹹補之以甘寫之以鹹稟之歲穀宜玄間穀宜豆雖有火邪不能爲害五之氣自秋分日巳初至小雪日卯初凡六十日有奇主位太商金客氣陽明金中見木運金氣得位慄令已行寒露下霜廼早降草木黃落寒氣及體君子周密民病及膝宜治陽明之客以酸補之以辛寫之以苦泄之歲穀宜玄間穀宜黍則燥不爲邪終之氣自小雪日卯正至大寒日丑

正凡六十日有奇主位少羽水客氣太陽水中見木運水富其位寒大舉濕大化霜廼積陰廼凝水堅冰陽光不治感於寒則病人關節禁固腰脰痛寒濕持於氣交而爲疾也宜調太陽之客以苦補之以鹹寫之以苦堅之以辛潤之歲穀宜玄間穀宜稷則寒不爲邪此六氣之化也歲氣之交天氣勝則有厥陰之復地氣勝則有太陰之復觀其氣至而治之無翼其勝無贊其復溫者清之濕者燥之此其道也

戊申歲





雨迺時應火木同德上應熒惑歲星其穀丹蒼歲氣之  
化火化七風化三正化度也羽蟲靜毛蟲育歲物所宜  
也俛蟲耗清毒不生地氣制之也歲半之前天氣主之  
其氣少陽相火其令暄者少陽之政也歲半之後地氣  
主之其氣厥陰風木其令風者厥陰之化也風熱叅布  
雲物沸騰太陰橫流寒迺時至涼雨並起民病寒中外  
發倉瘍內爲泄滿聖人遇之和而不爭往復之作民病  
寒熱瘧泄聾瞶嘔吐上拂腫色變是歲陽爲天氣陰爲  
地氣風火相值其氣專其化淳又遇火運統之運與天  
符火化升明天氣益先取化源抑其運火贊其金氣則

恭迺不生苛疾不起歲宜鹹宜辛宜酸滲之泄之漬之  
發之觀氣寒溫以調其過運同風熱宜多寒化其化上  
鹹寒中甘和下辛涼藥食宜也初之氣自丁未年大寒  
日寅初至是歲春分日子初凡六十日八十七刻半主  
位少角木客氣少陰火中見火運氣與運同君火不司  
氣化地氣遷風勝迺摧寒迺去候迺大溫草木早榮寒  
來不殺溫病迺起其病氣拂於上血溢目赤欬逆頭痛  
腸滿膚腠中瘡宜調少陰之客以補之以甘寫之以  
酸收之歲穀宜丹間穀宜豆則熱不爲邪二之氣自春  
分日子正至小滿日戌正凡六十日有奇主位太徵火

谷氣太陰土中見火運濕氣所客火反鬱白埃四起雲  
趨雨府風不勝濕雨廼零民廼康其病熱鬱於上欬逆  
嘔吐瘡發於中胸隘不利頭痛身熱昏憒膿瘡宜調太  
陰之客以甘補之以苦寫之以甘緩之歲穀宜丹間穀  
宜麻則濕不爲邪三之氣自小滿日亥初至大暑日酉  
初凡六十日有奇主位太徵火客氣少陽火中見火運  
氣符於天而天政布炎暑至小陽臨上雨廼涯民病熱  
中聾瞑血溢膿瘡欬嘔衄渴噎欠喉痺目赤善暴死  
以火旣平其邪廼微宜調少陽之客以鹹補之以甘寫  
之以鹹奠之歲穀宜丹間穀宜豆則火不爲邪是氣也

用熱遠熱無犯司氣之熱四之氣自大暑日酉正至秋  
分日未正凡六十日有奇主位少宮土客氣陽明金中  
見火運土生金涼廼至炎暑間化白露降民氣和平其  
病滿身重宜調陽明之客以酸補之以辛寫之以苦泄  
之歲穀宜蒼間穀宜黍則燥不爲邪五之氣自秋分日  
申初至小雪日午初凡六十日有奇主位太商金客氣  
太陽水中見火運火勝金水制之陽廼去寒廼來雨廼  
降氣門廼閉剛木早凋民避寒邪君子周密宜調太陽  
之客以苦補之以鹹寫之以苦堅之以辛潤之歲穀宜  
蒼間穀宜稷則寒不爲邪終之氣自小雪日午正至大

寒日辰正凡六十日有奇主位少羽水客氣厥陰木中  
 見火運水生木地氣正風迺至萬物反生霧霧以行其  
 病關閉不禁心痛陽氣不藏而欬宜調厥陰之客以辛  
 補之以酸寫之以甘緩之歲穀宜蒼間穀宜稻則風不  
 為邪此六氣之化也歲氣天符為執法若有邪氣則民  
 有卒急之病所謂邪中執法者民病速而危也

己酉歲



諸病提出





總錄一之中

陽明燥金司天少陰君火在泉中見少宮土運歲土不及氣化運行後天燥化在上左藏化右明化天氣急而其政切苦化在下左斡化右動化地氣明而其令暴陽專其令炎暑盛行物燥以堅淳風迺治風燥橫運流於氣交多陽少陰雲趨雨府濕化迺敷燥極而澤其為氣也清熱之氣持於氣交風化清化勝復同所謂邪氣化度也清化九雨化五熱化七是謂正化度也金火合德上應太白熒惑其穀白丹間穀命太徵者歲物所宜則羽蟲育地氣所制則介蟲耗寒毒不生其耗白甲蟲羽蟄蟲迺見流水不冰民病欬嗌寒熱發暴振慄癘闕

清先而勁毛蟲迺死熱後而暴介蟲迺殃然金爲天氣  
火爲地氣火能勝金土運間之其邪迺微天氣虛宜資  
化源以助金氣兼安其運土無使受邪食白丹之穀以  
安其氣食間氣之穀以去其邪歲宜以鹹以苦以辛汗  
之清之散之運同清氣宜多地化治之常也歲半之前  
天氣陽明主之若燥淫所勝木迺晚榮草迺晚生民病  
左肢脇痛寒清于中感而瘧大涼革候欬腹中鳴注泄  
驚漉心脇暴痛隘乾面塵腰痛目昧背瘍瘡淫癰病本  
于肝診在足太衝之脉法宜平以苦溫佐以酸辛以苦  
下之歲半之後地氣少陰主之熱淫于內則焰浮川澤

陰處反明蟄蟲不藏民病腹中常鳴氣上衝胸喘不能  
久立寒熱皮膚痛目瞑齒痛頤腫惡寒發熱如瘧少腹  
中痛腹大法宜治以鹹寒佐以甘苦以酸收之以苦發  
之歲運之化土不及紀曰卑監是謂減化化氣不令生  
政獨彰長氣整雨迺愆收氣平風寒並興草木榮美秀  
而不實成而秕也其氣散其用靜定其化兼所不勝四  
維有埃雲潤澤之化則春有鳴條鼓拆之政若四維發  
振拉飄騰之變則秋有肅殺霖霽之復其眚四維其藏  
脾其病內舍心腹外在肌肉四肢復則收政嚴峻名木  
蒼凋蒼穀迺損胸脇暴痛下引少腹善太息氣客於脾

食少失味治宜以甘和調中初之氣自戊申年大寒日  
已初至是歲春分日卯初凡六十日八十七刻半主位  
少角木客氣太陰土中見土運氣與運同風不勝濕地  
氣遷陰始凝氣始肅水迺水寒雨化其病中熱脹面目  
浮腫善眠軌衄嚏欠嘔小便黃赤甚則淋宜治太陰之  
客以甘補之以苦寫之以甘緩之歲穀宜白間穀宜麻  
雖有濕邪不能爲害是氣也司氣以涼用涼無犯三之  
氣自春分日卯正至小滿日丑正凡六十日有奇主位  
太徵火客氣少陽火中見土運二火同治陽迺布民迺  
舒物迺生榮厲大至民善暴死宜治少陽之客以鹹補

之以甘寫之以鹹奠之歲穀宜白間穀宜豆雖有厲邪  
不能爲害三之氣自小滿日寅初至大暑日子初凡六  
十日有奇主位太徵火客氣陽明金中見土運火土金  
相生天政布涼迺行燥熱交合燥極而澤民病寒熱宜  
治陽明之客以酸補之以辛寫之以苦泄之歲穀宜白  
間穀宜黍雖有燥邪不能爲害四之氣自大暑日子正  
至秋分日戌正凡六十日有奇主位少宮土客氣太陽  
水中見土運運土得位太陽居之寒雨降病暴仆振慄  
譫妄少氣暈乾引飲及爲心痛癰腫瘡瘍瘡寒之疾骨  
痿血便宜治太陽之客以苦補之以鹹寫之以苦堅之

以辛潤之歲穀宜丹間穀宜稷雖有寒邪不能爲害五  
之氣自秋分日亥初至小雪日酉初凡六十日有奇主  
位太商金客氣厥陰木中見土運客氣勝運春令反行  
草廼生榮民氣和宜調厥陰之客以辛補之以酸寫之  
以甘緩之歲穀宜丹間穀宜稻雖有風邪不能爲害終  
之氣自小雪日酉正至大寒日未正凡六十日有奇主  
位少羽水客氣少陰火中見土運火土相得陽氣布候  
反溫蟄蟲來見流水不冰民廼康平其病溫宜治少陰  
之客以鹹補之以甘寫之以酸收之歲穀宜丹間穀宜  
豆雖有熱邪不能爲害此六氣之常也歲氣之交天氣

勝則有少陽之復地氣勝則有太陽之復其治各以其  
勝復法





總錄二之中

太陽寒水司天太陰濕土在泉中見太商金運歲金太過氣化運行先天天地之氣寒化在上左動化右素化故天政所布其氣肅甘化在下左明化右灼化故地氣靜而其令徐寒臨太虛陽氣不令寒政大舉澤無陽燄則火發待時少陽中治時雨迺涯止極雨散還於太陰雲朝北極濕化迺布澤流萬物寒敷于上雷動于下水土合德上應辰星鎮星其穀玄齡歲氣之化寒化一清化九雨化五正化度也保蟲育歲物所宜也鱗蟲耗燥毒不生地氣制之也寒濕之氣持於氣交民病寒濕發肌肉萎足痿不收濡寫血溢是歲水為天氣土為地氣

中見金運土能勝水天化爲虛金運統之土生金金生水以下生上其化不純天化雖虛氣運相生其邪迺微宜於九月先資化源以助天氣之虛抑其運金扶其木氣無使暴過而生其疾食玄齡之穀以全其真避虛邪之氣以安其正歲宜以苦熱調上以甘熱調下以辛溫調中運同寒濕以燥熱化治之常也洛勝之氣歲半之前天氣太陽主之若寒淫所勝則寒氣反至水且冰血變丁中發爲癰瘍氏病厥心痛嘔血血泄熱衄善悲時眩仆運火炎烈雨暴起苞胸腹滿手熱肘攣腋腫心澹澹大動胸脇胃脘不安面赤目黃善噫噎乾甚則色殆

渴而欲飲病本于心診在手神門之脉法宜平以辛熱佐以甘苦以鹹寫之歲半之後地氣太陰主之若濕注于內則埃昏巖谷黃反見黑至陰之交民病飲積心痛耳聾噎腫喉痺陰病血見少腹痛腫不得小便病衝頭痛目項腰髀胸膈皆痛法宜治以苦熱佐以酸淡以苦燥之以淡泄之歲運之化金太過紀曰堅成是謂收引天氣潔地氣明陽氣隨陰治化燥行其收物以司成收氣繁布化洽不終其化成其氣削其收肅其令銳切其德霧露蕭颺其動暴折瘍疰其病喘噎胸憑仰息其物兼其所勝故經曰歲金太過燥氣流行肝不受邪民病

兩脇下少腹痛目赤痛背湯耳無所聞肅殺而甚則體  
重煩寃胸痛引背兩脇滿且痛引少腹甚則喘咳逆氣  
肩背痛下連股膝髀膈膈足皆病收氣喉生氣下草木  
斂蒼乾凋隕心脇暴痛不可反側欬逆甚而血溢診在  
足太衝之脉其治悉以辛溫調中初之氣自己酉年大  
寒日申初至是歲春分日午初凡六十日八十七刻半  
主位少角木客氣少陽火中見金運客氣勝運地氣遷  
氣迺大溫草迺早榮民迺厲溫病迺作身熱頭痛嘔吐  
膚腠滄瘍宜治少陽之客以鹹補之以甘寫之以鹹奠  
之歲穀宜玄間穀宜豆雖有火邪不能爲害二之氣自

春分日午正至小滿日辰正凡六十日有奇主位太徵  
火客氣陽明金中見金運氣與運同大涼反至民迺慘  
草迺遇寒火氣遂抑民病氣鬱中滿寒迺始宜治陽明  
之客以酸補之以辛寫之以苦泄之歲穀宜玄間穀宜  
黍雖有燥邪不能爲害是氣也無犯司氣之涼三之氣  
自小滿日巳初至大暑日卯初凡六十日有奇主位太  
徵火客氣太陽水中見金運水勝火天政布寒迺行雨  
迺降民病寒反熱中癰疽注下心熱脅悶宜治太陽之  
客以苦補之以鹹寫之以苦堅之以辛潤之歲穀宜玄  
間穀宜稷雖有寒邪不能爲害四之氣自大暑日卯正



至秋分日丑正凡六十日有奇主位少宮土客氣厥陰木中見金運木勝土金反制之又遇太陰交司風濕交爭風化爲雨迺長迺化迺成民病大熱少氣肌肉萎足痿注下赤白宜治厥陰之客以辛補之以酸寫之以甘緩之歲穀宜齡間穀宜稍雖有風邪不能爲害五之氣自秋分日寅初至小雪日子初凡六十日有奇主位太商金客氣少陰火中見金運歲運得位客氣勝之陽復化草迺長迺化迺成民迺舒宜調少陰之客以鹹補之以甘寫之以酸收之歲穀宜齡間穀宜豆雖有熱化不能爲邪終之氣自小雪日子正至大寒日戊正凡六十

日有奇主位少羽水客氣太陰土中見金運土生金金生水其化順地氣正濕令行陰凝太虛埃昏郊野民迺慘悽寒風以至反者孕迺死宜治太陰之客以甘補之以苦寫之以甘緩之歲穀宜齡間穀宜麻雖有濕邪不能爲害此六氣之化也是歲天氣勝者太陰復之地氣勝者厥陰復之其治皆如復氣之法濕者燥之濫者清之無翼其勝無贊其復此其道也





總錄二之中

厥陰風木司天少陽相火在泉中見少羽水運歲水不及氣化運行後天風化在上左灼化右玄化故天氣擾而其政撓苦化在下左清化右柔化故地氣正而其令速風生高遠炎熱從之雲趨雨府濕化迺行風火同德上應歲星熒惑其穀蒼丹間穀言太商者其耗文角品羽風燥火熱勝復更作風病行於上熱病行於下風燥勝復形於中雨化風化勝復同邪氣化度也風化三寒化一火化七正化度也其在物則毛蟲靜羽蟲育是為歲物所宜介蟲耗寒毒不生是為地氣所制然歲氣升降天氣為陰而其化虛地氣為陽而其化盈當資化源

以助司天之木氣化源雖虛水運在中水能生木邪迺微也必贊歲運之水扶其不足調上用辛調下用鹹畏火之氣慎無妄犯歲半之前厥陰爲主若風淫所勝則太虛埃昏雲物以擾寒生春氣流水不冰民病胃脘當心而痛上支兩脇鬲咽不通飲食不下舌本強食則嘔冷泄腹脹溇泄痕水閉病本于脾診在足衝陽之脉其法平以辛涼佐以苦甘以甘緩之以酸寫之歲半之後少陽主之火淫所勝則焔明郊野寒熱更至民病注泄赤白少腹痛溺赤甚則血便其法治以鹹冷佐以苦辛以酸收之以苦發之是歲水運不及紀曰涸流是謂反

陽藏令不舉化氣迺昌長氣宣布蟄蟲不藏土潤水泉滅草木條茂榮秀滿盛其氣滯其用滲泄其動堅止其發燥槁其果棗杏其實濡肉其穀黍稷其味甘鹹其色齡玄其畜豕牛其蟲鱗保其運埃鬱昏翳其聲羽宮其在人也病爲痿厥墜下從土化也病爲癘閼邪傷腎也法宜以苦和調之也初之氣自庚戌年大寒日亥初至是歲春分日酉初凡六十日八十七刻半主位少角木客氣陽明金中見水運金勝木水運間之寒始肅殺氣方至民病寒於右之下宜治陽明之客以酸補之以辛寫之以苦泄之歲穀宜蒼間穀宜黍二之氣自春分日

酉正至小滿日未正凡六十日有奇主位太徵火客氣  
太陽水中見水運氣與運同寒不去華雪水冰殺氣施  
化霜廼降名草上焦寒雨數至陽復化民病熱於中宜  
治太陽之客以苦補之以鹹寫之以苦堅之以辛潤之  
歲穀宜蒼間穀宜稷是氣也慎無犯寒三之氣自小滿  
日申初至大暑日午初凡六十日有奇主位太徵火客  
氣厥陰木中見水運天政布風廼時舉民病泣出耳鳴  
掉眩宜治厥陰之客以辛補之以酸寫之以甘緩之歲  
穀宜蒼間穀宜稻四之氣自大暑日午正至秋分日辰  
正凡六十日有奇主位少宮土客氣少陰火中見水運

潺暑濕熱相薄爭於左之上民病黃痺而爲胛腫宜治  
少陰之客以鹹補之以甘寫之以酸收之歲穀宜丹間  
穀宜豆五之氣自秋分日巳初至小雪日卯初凡六十  
日有奇主位太商金客氣太陰土中見水運燥濕更勝  
沉陰廼布寒氣及體風雨廼行宜治太陰之客以甘補  
之以苦寫之以甘緩之歲穀宜丹間穀宜麻終之氣自  
小雪日卯正至大寒日丑正凡六十日有奇主位少羽  
水客氣少陽火中見水運畏火司令陽廼大化蟄蟲出  
見流水不冰地氣大發草廼生人廼舒其病溫厲宜治  
少陽之客以鹹補之以甘寫之以鹹奠之歲穀宜丹間

穀宜豆此六氣之化也歲氣之交司天氣勝則陽明復之在泉氣勝則太陽復之治勝復者各以其法

壬子歲





卷之二 中 旨 才 皇 太 祖 王 月 百 壽 考 之 第 三 十 九 頁

氣盈宜先取火之化源必抑其運木資其歲勝無使暴過而生其病食丹白之穀以全真氣食間氣之穀以辟虛邪歲宜鹹以奠之而調其上甚則以苦發之以酸收之而安其下甚則以苦泄之運同天氣宜以寒清化其化上鹹寒中酸涼下酸溫藥食宜也歲半之前熱化主之熱淫所勝則怫熱至火行其政民病胸中煩熱噎乾右胠滿皮膚痛寒熱欬喘大雨且至唾血血泄飢鯁噎嘔溺色變甚則瘡瘍附腫肩背臂膈及缺盆中痛心痛肺腹腹大滿膨膨而喘欬病本于肺診在手尺澤之脉法宜平以鹹寒佐以苦甘以酸收之歲半之後燥化主

之燥淫所勝則霧霧清隰民病喜嘔嘔有苦善太息心脇痛不能反側甚則墜乾面塵身無膏澤足外反熱法宜治以苦溫佐以甘辛以苦下之歲運之化紀曰發生是謂啓敷土疎泄蒼氣達陽和布化陰氣迺隨生氣淳化萬物以榮其化生其氣美其政散其命條舒其動掉眩巔疾其德鳴靡厥柝其變振拉摧拔其化兼其所勝其病怒上徵則其氣逆其病吐利故曰歲木太過風氣流行脾土受邪民病殮泄食減體重煩冤腸鳴腹支滿甚則忽忽善怒眩昏巔疾化氣不政生氣獨治雲物飛動草木不寧甚而摧落反脇痛而吐甚診在足衝陽之

德錄二之中

四



脉味宜以酸涼調之也初之氣自辛亥年大寒日寅初至是歲春分日子初凡六十日八十七刻半主位太角木客氣太陽水中見木運地氣遷燥將去寒廼始蠶復藏水廼水霜復降風廼至陽氣鬱民反周密關節禁固腰膝痛炎暑將起中外瘡瘍宜調太陽之客以苦補之以鹹寫之以苦堅之以辛潤之歲穀宜丹間穀宜稷則寒氣不能爲害二之氣自春分日子正至小滿日戌正凡六十日有奇主位少徵火客氣厥陰木中見木運氣與運同是謂司氣陽氣布風廼行春氣以正萬物應榮寒氣時至民廼和其病淋目瞋目赤氣鬱於上而熱宜

調厥陰之客以辛補之以酸寫之以甘緩之歲穀宜丹間穀宜稻則風氣不能爲害是氣也無犯司氣之溫三之氣自小滿日亥初至大暑日酉初凡六十日有奇主位少徵火客氣少陰火中見木運木生火火當其位天政布大火行庶類蕃鮮寒氣時至民病氣厥心痛寒熱更作欬喘目赤宜治少陰之客以鹹補之以甘寫之以酸收之歲穀宜丹間穀宜豆則熱邪不能爲害四之氣自大暑日酉正至秋分日未正凡六十日有奇主位太宮土客氣太陰土中見木運土居其位溽暑至大雨時行寒熱互至民病寒熱隘乾黃瘧鼯蚬飲發宜調太陰

之客以甘補之以苦寫之以甘緩之歲穀宜白間穀宜  
麻則濕氣不能爲害五之氣自秋分日申初至小雪日  
午初凡六十日有奇主位少商金客氣少陽火中見木  
運木生火畏火臨暑反至陽迺化萬物迺生迺長榮民  
迺康其病溫宜治少陽之客以鹹補之以甘寫之以鹹  
奠之歲穀宜白間穀宜豆則火氣不能爲害終之氣自  
小雪日午正至大寒日辰正凡六十日有奇主位太羽  
水客氣陽明金中見木運金勝木燥令行餘火內格腫  
於上欬喘甚則血溢寒氣數舉則霧露翳病生皮腠內  
舍於脇下連少腹而作寒中地將易也宜治陽明之客

以酸補之以辛寫之以苦泄之歲穀宜白間穀宜黍則  
燥氣不能爲害歲氣之交天氣勝則太陽復之地氣勝  
則少陽復之觀其氣至以法爲治熱者寒之寒者熱之  
清者溫之無翼其勝無贊其復此治之大體也



癸丑歲





總錄二之中

太陰濕土司天太陽寒水在泉中見少徵火運歲火不及氣化運行後天太陰在上左少陽右少陰故地氣上騰陰專其政而其政肅太陽在下左厥陰右陽明故天氣下降陽氣退辟而其令寂大風時起原野昏霧白埃四起雲奔南極寒雨數至物成於差夏濕寒合德蒼黑埃昏流行氣交上應鎮星辰星其穀斡玄間穀命太角之穀寒化雨化勝復同是謂邪氣化度也雨化五火化二寒化六是謂正化度也陰凝於上寒積於下寒水勝火則為水雹陽光不治殺氣廼行倮蟲靜蟲育是為歲物所宜羽蟲耗熱毒不生是為地氣所制有餘宜高

卷之二

四十一

不及宜下有餘宜晚不及宜早土之利氣之化也民氣亦從之其病寒濕腹滿身臃憤附腫痞逆寒厥拘急是歲濕土在上寒水在下土能制水天氣盈地氣虛宜取化源以平土氣益其歲氣無使邪勝食黔玄之穀以全其真食間氣之穀以保其精歲宜以苦燥之溫之甚者發之泄之不發不泄則濕氣外溢肉潰皮拆而水血交流必贊其陽火令禦甚寒運異寒濕燥熱宜少故藥食之宜其化上苦溫中鹹溫下甘熱歲半之前太陰至之濕淫所勝沉陰且布雨變枯槁民病附腫骨痛陰痺陰痺者按之不得腰脊頭項痛時眩大便難陰氣不用飢

不欲食欬唾則有血心如懸病本于腎診在足大谿當平以苦熱佐以酸辛以苦燥之以淡泄之歲半之後太陽主之寒淫于內凝肅慘慄民病少腹控羸引腰脊上衝心痛血見噎痛頰腫宜治以甘熱佐以苦辛以鹹寫之以辛潤之以苦堅之運火不及命曰伏明之紀是謂勝長長氣不宜藏氣反布收氣自政化令迺衡寒清數舉暑令迺薄承化物生生而不長成實而稚遇化已老陽氣屈伏蟄蟲早藏其氣鬱其用暴其動彰伏變易其發痛其病昏惑悲忘其化兼所不勝夏有炳明光顯之化則冬有嚴肅霜寒之政若夏有慘悽凝冽之勝則不

時有埃昏大雨之復其膏肓其藏心其病內舍膈脇外  
在經絡故曰歲火不及寒迺盛行長政不用物榮而下  
凝慘而甚則陽氣不化迺折榮美民病胸中痛脇支滿  
兩脇痛膈背肩胛間及兩臂內痛甚則屈不能伸體痺  
如別復則埃鬱大雨且至黑氣迺辱民病泄注其法悉  
以鹹溫調中初之氣自壬子年大寒日巳初至是歲春  
分日卯初凡六十日入十七刻半主位太角木客氣厥  
陰木中見火運風未得位地氣遷寒迺去春氣正風迺  
來生布萬物以榮民氣條舒風濕相薄雨迺後民病血  
溢筋絡拘強關節不利身重筋痿宜調厥陰之客以辛

補之以酸寫之以甘緩之歲穀宜黔間穀宜稻則風不  
爲邪三之氣自春分日卯正至小滿日丑正凡六未日  
有奇主位少徵火客氣少陰火中見火運君火自居其  
位不司氣化是謂灼化大火正物華花民迺和其病溫  
厲盛行遠近咸若濕蒸相薄雨迺時降宜調少陰之客  
以鹹補之以甘寫之以酸收之歲穀宜黔間穀宜豆則  
熱不爲邪三之氣自小滿日寅初至大暑日子初凡六  
十日有奇主位少徵火客氣太陰土中見火運歲火當  
位濕化鬱之天政布濕氣降地氣騰雨迺時降寒迺隨  
之感於寒濕則民病身重胛腫胸腹滿宜治太陰之客

以甘補之以苦寫之以甘緩之歲穀宜踰間穀宜麻則濕不爲邪四之氣自大暑日子正至秋分日戌正凡六十日有奇主位太宮土客氣少陽火中見火運氣與運同畏火臨溽蒸化地氣騰天氣否隔寒風曉暮蒸熱相薄草木凝煙濕化不流則白露陰布以成秋令民病膝理熱血暴溢瘡心腹滿熱臚脹甚則臍腫宜治少陽之客以鹹補之以甘寫之以鹹更之歲穀宜玄間穀宜豆則火不爲邪是氣也無犯司氣之熱五之氣自秋分日亥初至小雪日酉初凡六十日有奇主位少商金客氣陽明金中見火運氣與位同燥令已行寒露下霜迺早

降草木黃落寒氣及體君子周密民病皮腠宜調陽明之客以酸補之以辛寫之以苦泄之歲穀宜玄間穀宜黍則燥不爲邪終之氣自小雪日酉正至大寒日未正凡六十日有奇主位太羽水客氣太陽水中見火運水當其位而能勝火寒大舉濕大化霜迺積陰迺凝水堅水陽元不治感於寒則病人關節禁固腰膝痛寒濕持於氣交而爲疾也宜調太陽之客以苦補之以鹹寫之以苦堅之以辛潤之歲穀宜玄間穀宜稷則寒不爲邪此六節之氣也氣交之化天氣勝者則有厥陰之復地氣勝者則有太陰之復各以其復法治之